



National Agricultural Research Institute

Sapos yu laikim mo long dispela pepa yu ken rait i kam long adress i stap ananit
long dispela toktok:

The Librarian
National Agricultural Research Institute
Wet Lowlands Mainland Programme
PO Box 1639
LAE 411
Morobe Province
Telephone: (675) 475 1033/475 1228
Facsimile: (675) 475 1034
Email: nariwll@datec.net.pg

Binatang Bilong Vanilla



NARI TOKTOK
BUB005(P)

January 2002

TOK IGO PAS

Vanila em i wan famili bilong Okid flawa na i save kamap long ol ples i gat planti wara na ples ino kol. Rop bilong vanila em i save gro igo antap long narapela diwai na em i save laikim sampela sedo na gutpela graun i gat planti gris. Taim yu lukautim gut vanila bilong yu em i ken karim gut na wanwan diwai yu ken kisim olsem wanpela kilogrem bilong vanila i grin yet. Na gutpela vanila stret i gat gutpela prais long wold maket.



Piksa 1.
Soim lip
vanila we ol
binatang i
kaikai

AMI WOM

Ami wom em ol katapila bilong wanpela bataplai we ol igat braun kala na waitpela lain em go daun long tupela sait bilong em igo olgeta long tel bilong em. Ol katapila save kaikaim ol flawa na yangpela frut. Tasol ol i gat taim bilong ol long kamap. Ol i ken kamapim bikpela bagarap long sampela taim.

VANILA MIRID

Dispela em wanpela binatang i save pulim wara bilong bin bilong vanila. Sapos igat planti mirid, ol bai pulim wara na bin na kru bilong vanila i no nap kamap gut.

Vanila em i stap olsem 20 yia pinis long PNG, tasol nau tasol insait long 2 pela yia, planti fama i gat bikpela laik long groim em, long wanem prais bilong vanila long wold maket em i go antap na i gutpela tru.

Igat ol binatang nogut i save bagarapim vanila insait long PNG na yumi mas luksave long ol.

VANILA BATAPLAI


Igat wanpela grin katapila bilong dispela bataplai i save kaikaim ol flawa na yangpela frut bilong vanila. Mama bataplai i save putim kiau antap long ol yangpela kru na flawa, na taim kiau i bruk, katapila save kamap na kaikaim ol flawa na frut. Taim planti katapila i stap ol bai bagarapim stret ol flawa na frut.



Piksa 2.
Katapila i
sindaun antap
long rop bilong
vanila



Piksa 3.
Katapila i
kaikai flawa i
no op yet



Piksa 4.
Ring i soim
flawa bilong
vanila we
katapila i
kaikaim.
Dispela
flawa ino
nap kamap
bin

GREY WIVIL O BITEL

Ol mama na papa bilong ol dispela kain bitel i save kaikaim ol flawa na frut. Ol bitel ol i gat grei kala na ol i nogat wing. Ol i save wokabaut tasol igo antap long rop bilong vanila. Ol flawa na frut we binatang i kaikaim ol i save lus na pundaun nating.



Piksa 5. Grei wivil i bagarapim bin bilong vanila



Piksa 6. Piksa antap soim wivil o bitel we i sindaun antap long lip bilong vanila



Piksa 7. Wivil i bagarapim bin bilong vanila